



UDRUŽENJE/UDRUGA PREDUZEĆA/PODUZEĆA KOMUNALNE PRIVREDE/GOSPODARSTVA U FBiH

Tel/fax: +387 33 217 419 e-mail: upkp@bih.net.ba; www.upkp.com.ba Jadranska bb, 71000 Sarajevo

ID broj: 4200074940009 INTESA SANPAOLO BANKA: 1540011100646166

IZVJEŠTAJ O RADU UPKP U FBiH IZMEĐU DVIJE SKUPŠTINE

decembar/prosinac 2023. godine

U V O D

Izvještaj o radu Udruženja/Udruge preduzeća/poduzeća komunalne privrede/gospodarstva u FBiH u 2022/2023. godini je izvještaj u periodu između dvije Skupštine, a sačinjen je na osnovu Programa rada i provedenih aktivnosti u protekloj godini, koje su realizovane zahvaljujući dobroj koordinaciji Upravnog i Nadzornog odbora, Stručnih timova, Radnih grupa i zaposlenih u Uredu UPKP u FBiH.

Rad organa odvijao se u skladu sa Statutom i drugim općim aktima UPKP u FBiH, na svim sjednicama je bio obezbijeđen kvorum, a sa svim donesenim Odlukama i zaključcima, upućenim inicijativama i sl. redovno su informisane sve članice UPKP u FBiH.

NAJZNAČAJNIJE AKTIVNOSTI IZMEĐU DVIJE SKUPŠTINE

I - SKUPŠTINA:

Održana XXI Skupština UPKP u FBiH, a tema je bila: „**Aktivnosti na promociji Programa za unapređenje vodnih usluga u FBiH i Metodologija određivanja najniže cijene vodnih usluga u FBiH**“, gdje su prezentirani dokumenti usvojeni od strane Vlade FBiH:

- Program za unapređenje vodnih usluga u FBiH i korištenja najavljene finansijske i tehničke podrške,
- Metodologija utvrđivanja najniže osnovne cijene vodnih usluga u FBiH,
- Prezentirane dosadašnje aktivnosti UPKP u FBiH u reformskim procesima u oblasti vodnih usluga,
- Dalje aktivnosti i očekivanja.

U okviru radnog dijela Skupštine razmatrani su i usvojeni dokumenti:

- Izvještaj o radu između dvije Skupštine,
- Izvještaj i obrazloženje o finansijskom poslovanju UPKP u FBiH,
- Finansijski plan za narednu godinu,
- Plan aktivnosti UPKP u FBiH za naredni period,
- Verifikovani mandati novih članova UO i NO.

Usvojeni zapisnici, zaključci, odluke, inicijative, kao i informacije o svim aktivnostima UPKP u FBiH, redovno se dostavljaju članicama.

II - UPRAVNI I NADZORNI ODBOR

Planirane sjednice Upravnog i Nadzornog odbora su se održavale prema programu i planu, tako da je održano 5 sjednica sa više od 60 tačaka i podtačaka dnevnog reda i 1 vanredna online sjednica koja je održana usljed najave poskupljenja električne energije.

Sve donesene odluke i usvojeni zaključci Upravnog i Nadzornog odbora su realizovani prema usvojenoj dinamici o čemu su redovno informisane sve članice UPKP u FBiH.

Upravni i Nadzorni odbor su, pored predviđenih programskih aktivnosti, razmatrali i:

- Izvještaj o finansijskim rezultatima poslovanja UPKP u FBiH za period I-XII 2022. godine,
- Prijedlog Finansijskog plana UPKP u FBiH za 2023. godinu,
- Izvještaj o dugovanju članica za period do 31.12.2022. godine.

Nakon razmatranja Izvještaja, obrazloženja i zaključaka Nadzornog odbora, konstatovano je da su svi dokumenti urađeni u skladu sa važećim Zakonom i finansijskim propisima. Analizirajući pokazatelje zaključeno je da je kroz angažovanje predstavnika svih članica UPKP u FBiH ostvaren prihod iz različitih izvora i obezbijeđena likvidnost UPKP u FBiH. Planirano je da se i u toku 2023. godine obavljaju aktivnosti u službi svojih članica, prate zakonski procesi i organizuju edukacije, seminari, radionice, sjednice

Skupštine, sjednice Upravnog i Nadzornog odbora, angažuju Stručni timovi i Radne grupe, učestvuje i prate projekti EU, te da se učestvuje u svim ostalim aktivnostima koje se tiču komunalne privrede u Federaciji BiH.

Upravni odbor je kooptirao nove članove organa kako bi UPKP u FBiH moglo nesmetano raditi i donositi pravosnažne odluke i zaključke, a prijedlog će se uputiti Skupštini na razmatranje i usvajanje. U periodu između dvije Skupštine u nekim preduzećima naših članica došlo je do kadrovskih promjena direktora koji su bili u organima UPKP u FBiH. S obzirom da u nekoliko preduzeća naših članica ima vršioca dužnosti, u toku je provođenje procedure izbora i nakon zvaničnog imenovanja prijedlog će se uputiti Skupštini za verifikaciju. Skupština je ranije utvrdila kriterije za predlaganje, izbor i imenovanje članova Organa UPKP u FBiH kojim se mora obezbijediti što ravnomjernija zastupljenost po osnovu djelatnosti, te regionalna, nacionalna i spolna zastupljenost.

III - RAD NA PROJEKIMA

1. PROJEKAT UNDP - „PODRŠKA PROGRAMU REFORMI KOMUNALNIH VODNIH USLUGA U FBIH I PROMOCIJA PRIMJENE TARIFNE METODOLOGIJE“

Ovim Projektom su predviđene sljedeće aktivnosti:

- Odabir najmanje 30 komunalnih vodovodnih preduzeća iz FBiH koja će učestvovati na obukama za primjenu Tarifne metodologije (a koja nisu uključena u MEG II projekat);
- Organizacija 20 obuka za 60 odgovornih radnika o praktičnoj primjeni Tarifne metodologije;
- Podrška, na zahtjev, odabranim komunalnim vodovodnim preduzećima, uključujući analizu i interpretaciju rezultata Tarifne metodologije;
- Organizacija 4 tematske jednodnevne konferencije o odabranim temama iz oblasti „Program reformi u sektoru vodnih usluga u Federaciji BiH“.

Odmah po potpisivanju ugovora upućen je poziv svim vodovodnim preduzećima u FBiH koja nisu uključena u MEG II projekat da izvrše svoju prijavu za učešće u navedenom projektu.

Pozivu se odazvalo 36 vodovodnih preduzeća koja su svrstana po teritorijalnom principu u osam grupa.

Trajanje projekta: oktobar 2022 – septembar 2023 (produžena implementacija do kraja oktobra 2023.)

Implementacija: projekt menadžer

Podrška: predstavnici MEG II tima UNDP-a

Obučeno trenera: 12

Prijavljeno JKP za radionice: 36

Prijavljeno učesnika: 71

Održano radionica: 20 radionica u tri ciklusa: početni, napredni i završni.

Početni ciklus je imao za cilj da učesnike edukacija upozna sa sadržajem, suštinom, principima i osnovnim elementima tarifne Metodologije, kao i sa Excel alatom za izradu operativnog budžeta, analizu i kalkulaciju cijena vodnih usluga.

Napredni ciklus je imao za cilj da potakne učesnike projekta da u vlastitom preduzeću popune modele operativnog budžeta, te modele za analizu postojećih i kalkulaciju potrebnih cijena vodnih usluga, te da ih prezentuju, zajedno sa problemima i poteškoćama sa kojima se susreću, te da od strane trenera i projekt menadžera dobiju neophodna pojašnjenja i upute za uspješan završetak posla.

Završni ciklus uključuje finalne modele popunjene od strane učesnika projekta sa analizom i komentarima dobijenih rezultata, te definisanim aktivnostima neophodnim za implementaciju tarifne Metodologije u vlastitom preduzeću. U ovoj fazi bit će sumirani rezultati cjelokupnog projekta.

Teme I ciklusa radionica:

- Osiguranje računovodstvenih preduvjeta za primjenu Metodologije,
- Poslovni plan i operativni budžet (po troškovnim centrima i konsolidirani) kao preduvjet za primjenu Metodologije,
- Vrsta i način proračuna cijene vodnih usluga

- Proračun indikatora produktivnosti operatora, procedura ocjene usaglašenosti prijedloga izračuna cijena vodnih usluga sa Metodologijom

Teme II ciklusa radionica:

- Operativni budžet i tarifni modeli
- Prezentacija Excel alata za proračun indikatora uspješnosti operatora
- Proračun indikatora uspješnosti operatora

Teme III ciklusa radionica:

- Prezentacija ostvarenog napretka JKP učesnica na radionici
- Grupna analiza učesnika i konsultacije
- Prezentacija budžeta i tarifnih modela JKP učesnica u projektu
- Grupni rad i konsultacije

Učesnici radionica su bili dužni da sa sobom donesu laptop, bilans uspjeha za 2022. godinu, Excel modele operativnog budžeta za 2022. i 2023. godinu, te kalkulacije trenutnih i potrebnih cijena vodnih usluga za svoje preduzeće, ukoliko su iste napravili. Ukoliko nisu uradili Excel model operativnog budžeta za 2023. godinu, da bi se mogla raditi praktična primjena Metodologije za svako preduzeće, trebali su donijeti pregled prihoda i rashoda za 2022. godinu (sintetička i analitička konta) i barem grubu procjenu istih za 2023., podatke o vodomjerima (profil, količina, trošak zamjene istih), važeći cjenovnik vodnih usluga i izračunati koeficijent naplate. Također, na kraju radionica svi učesnici su pripremili kratko izlaganje o ostvarenom napretku i pojedinačnu prezentaciju operativnog budžeta i tarifnih modela za svoje preduzeće.

Održane četiri tematske konferencije vodovodnih preduzeća u FBiH:

- **I tematska konferencija na temu: „Modeli unosa vodnih dobara u poslovne knjige i njihovo računovodstveno knjiženje u JKP i JLS“**, održana je 15.03.2023. godine u Zenici, a obrađene su sljedeće teme:
 - Modeli unosa vodnih dobara u poslovne knjige;
 - Računovodstveno knjiženje vodnih dobara u JKP i JLS;
 - Poreski tretman njihovog prenosa.

Na Konferenciji su prezentirani modeli unosa dobara (infrastruktura za pružanje vodnih usluga) u poslovne knjige, prikazani primjeri iz prakse, prezentirano računovodstveno knjiženje vodnih dobara u JKP i JLS i izvršena prezentacija knjiženja po modelima, poreski tretman istih i njihov uticaj na troškove poslovanja te predloženi primjeri iz prakse.

- **II tematska konferencija na temu: „Uticaj amortizacije na finansijski rezultat i likvidnost vodovodnih preduzeća“**, održana je 24.05.2023. godine u Travniku, a obrađene su sljedeće teme:
 - Amortizacija kao preduslov održivosti vodovodnih sistema;
 - Likvidnost vodovodnih preduzeća.

Veliki interes za konferencijom iskazale su naše članice, javna komunalna/vodovodna preduzeća, tako da je pored predstavnika UNDP-a bilo prisutno 35 predstavnika vodovodnih JKP iz FBiH.

U panel diskusiji su učestvovali predstavnici UNDP-a, kao moderatori, i predstavnici vodovodnih preduzeća koji su kroz diskusiju iznosili primjere iz svojih preduzeća, razmjenjivali iskustva i predlagali moguća rješenja koja se trebaju zakonski regulisati sa kojima su se predstavnici UNDP-a složili i istakli da će sa zadovoljstvom podržati svaku aktivnost koja vodi ka rješavanju problematike u sklopu Programa reforme vodnog sektora.

Poslije prezentacija i diskusije, na Konferenciji je usvojen zaključak da se predloži UO i NO UPKP u FBiH, da se imenuje Stručni tim ekonomista i pravnika iz komunalnih/vodovodnih JKP u FBiH, sa zadatkom

izrade prijedloga zakonskog rješenja uknjižbe objekata vodovodne infrastrukture u poslovne knjige preduzeća. Upravni i Nadzorni odbor usvojili su ovaj prijedlog i imenovali članove Stručnog tima.

- **III tematska konferencija na temu: „Praktična iskustva u primjeni Tarifne metodologije“**, održana je 13.10.2023. godine u Mostaru, a obrađene su sljedeće teme:
 - Transparentnost rada i poslovanja vodnih preduzeća;
 - Javno zagovaranje i lobiranje.

Konferencija je bila namijenjena za članove Upravnog i Nadzornog odbora UPKP u FBiH tako da je pored predstavnika UNDP-a bio prisutan i 21 član Upravnog i Nadzornog odbora.

U panel diskusijama su učestvovali predstavnici UNDP-a kao moderatori, te predstavnici vodovodnih i mješovitih komunalnih preduzeća koji su prezentovali primjere transparentnosti rada preduzeća i primjene tarifne metodologije u svojim preduzećima, i razmjenjivali svoja iskustva sa svim interesnim stranama, a sve u cilju boljeg razumijevanja načina primjene Metodologije, ali i svojevrsne „borbe“ sa vladajućim općinskim/gradskim strukturama i važnosti javnog zagovaranja i lobiranja kao nezaobilaznih faktora za primjenu Metodologije.

- **IV tematska konferencija vodovodnih preduzeća u FBiH i Završni event projekta**, održani su 25.10.2023. godine u Sarajevu, a obrađene su sljedeće teme:
 - Reforma u sektoru vodnih usluga kao preduslov dugoročne održivosti vodovodnih preduzeća;
 - Uloga UPKP u FBiH u reformskim procesima u sektoru vodnih usluga;
 - Prezentacija ostvarenih rezultata u projektu;
 - Ocjena ostvarenog napretka u sektoru vodnih usluga;
 - Mogući aspekti daljnje saradnje MEG II projekta UPKP u FBiH.

U okviru ovog projekta urađen je i usaglašen sa predstavnicima MEG II tima UNDP-a projektni zadatak za redizajniranje web stranice UPKP u FBiH, te izabran izvođač posla sa kojim je potpisan ugovor o redizajniranju web stranice i njenom održavanju u narednih 15 mjeseci.

Projekat je uspješno završen, a predstavnici UNDP-a i MEG II projekta su istakli veliko zadovoljstvo ostvarenim rezultatima i implementacijom projekta.

2. PROJEKAT RCDN I PRIPREMA ZA PROJEKAT RCDN+

Kao jedna od pripremnih aktivnosti za apliciranje za projekat RCDN+, koji je planiran da započne sa implementacijom početkom naredne godine, bilo je strateško planiranje UPKP u FBiH. **U Tuzli, 04. i 05. maja 2023. godine, održana je dvodnevna radionica strateškog planiranja** na kojoj su učestvovali članovi Upravnog i Nadzornog odbora UPKP u FBiH, zaposleni UPKP u FBiH, te predstavnici GIZ-a.

Angažovana konsultantica od strane GIZ-a koja je vodila radionicu i sam proces strateškog planiranja je Turulja dr. Lejla, profesorica na Ekonomskom fakultetu Univerziteta u Sarajevu.

Ciljevi strateškog planiranja su:

- Promocija strateškog razmišljanja i djelovanja UPKP u FBiH;
- Poboljšano donošenje odluka unutar Udruženja;
- Pomoć UPKP u FBiH da formuliše i jasno komunicira svoje strateške intervencije/razjasne budući smjer;
- Rješavanje glavnih organizacijskih problema;
- Poboljšanje efikasnosti UPKP u FBiH, kao i poboljšanje timskog rada i stručnosti.

Dvodnevna radionica je rezultirala definisanom vizijom i misijom UPKP u FBiH, preciziranim strateškim ciljevima, strateškim aktivnostima i podaktivnostima, kao i tačno definisanim zaduženjima i rokovima za izvršenje.

U Sarajevu, 01. juna 2023. godine, održana je druga radionica strateškog planiranja na kojoj su također učestvovali članovi Upravnog i Nadzornog odbora UPKP u FBiH, zaposleni UPKP u FBiH i angažovana konsultantica koja je vodila radionicu i sam proces strateškog planiranja, Turulja dr. Lejla. Na

dnevnom redu bilo je finaliziranje strateškog plana, kako bi učesnici imali jasno razumijevanje strateškog plana i definiranih ciljeva i zadataka, zatim alociranje budžeta za različite aktivnosti navedene u strateškom planu uz osiguranje da je budžet usklađen sa strateškim ciljevima i dostupnošću resursa.

Na radionici su predstavljene aktivnosti tri osnovna strateška cilja za period od 5 godina, sumirani su zaključci uz jasno definisanu viziju i misiju UPKP u FBiH i sa preciziranim strateškim aktivnostima i podaktivnostima, kao i tačno definisanim zaduženjima i rokovima za izvršenje.

Predstavnici UPKP u FBiH su **13.07.2023. godine održali su dodatni sastanak** za usaglašavanje strateškog plana i budžeta na kojem je zaključeno da je potrebno da se budžet doradi, kako bi se usaglasile aktivnosti sa dinamikom i strukturom realizacije i izvora finansiranja.

Održan je **još jedan sastanak predstavnika UPKP u FBiH sa predstavnicima GIZ-a, 25.07.2023. godine**, na kojem su usaglašene detaljne aktivnosti za narednih pet godina i planirani budžet, a predstavljen je i projekat RCDN+, kao i zahtjevi i očekivanja u okviru istog.

Jedinstven stav svih učesnika je da je ovo jedna od najznačajnijih aktivnosti i dokumenata koji će u velikoj mjeri utjecati na unapređenje rada UPKP u FBiH.

U periodu od 25.09.2023. do 28.09.2023. godine u Crnoj Gori, održan je RCDN+ regionalni sastanak udruženja koje učestvuju u RCDN+ projektu, a na kojem je učešće uzelo i UPKP u FBiH.

Cilj regionalnog sastanka bio je detaljno upoznavanje svih zainteresovanih strana sa projektom koje provodi GIZ. Osim predstavnika udruženja iz BiH, na sastancima su prisustvovali i predstavnici Crne Gore, Srbije, Sjeverne Makedonije, Albanije, Kosova, kao i predstavnici GIZ-a, NALAS-a i IAWD-a. Svim učesnicima je kroz više prezentacija predstavljen zamišljeni način rada sa udruženjima koji između ostalog podrazumijeva:

- Način rada (vezan za strateško planiranje udruženja i poboljšanje performansi udruženja);
- Način kontinuiranog monitoringa i uključivanja eksternih revizija rada udruženja nakon 2 godine;
- Način izvještavanja i praćenja indikatora napretka;
- Umrežavanje sa drugim udruženjima i razmjena primjera dobrih praksi;
- Plan obuke udruženja RCDN+ Akademija sa odabirom najinteresantnijih tema.

Od strane GIZ-a predstavljena je po državama trenutna situacija sa zakonskim rješenjima, predstavljen je plan i status reformi koje se trenutno provode, te uslovi i preduslovi za buduće finansiranje i sufinansiranje projekata. Također je naglašena i prepoznata uloga UPKP u FBiH na nivou cijele Bosne i Hercegovine, konkretno kao partnera kojeg su ministarstva prepoznala za usaglašavanje zakona, što u drugim državama nije čest slučaj. Treba istaći činjenicu da je UPKP u FBiH sa dosadašnjim odrađenim poslom korak ispred većine udruženja u regionu u smislu da već imamo u funkcionalnoj strukturi odbore i pododbore, usvojen Strateški plan, što kod većine udruženja nije slučaj. Možemo zaključiti da UPKP u FBiH može odgovoriti traženim zahtjevima RCDN+ projekta, ali je svakako potreban veći angažman svih uključenih u rad udruženja kako bi se sve obaveze izvršile na vrijeme i u skladu sa očekivanim rezultatima. Novca ima, potrebna je promjena svijesti, potreban je dodatni rad, izvještavanje, nosioci aktivnosti, odgovornost u radu i posvećenost izvršavanju budućih obaveza.

Dana 17.11.2023. godine predstavnici UPKP u FBiH održali su dodatni sastanak sa predstavnicima GIZ-a. Cilj sastanka je bio osmisliti sveobuhvatne i uticajne aktivnosti koje se bave potrebama UPKP u FBiH, a koje su usklađene sa zahtjevima projekta RCDN+ i koje osiguravaju uspješnu provedbu projekta u budućnosti. Na sastanku se radilo i na razjašnjavanju načina i pristupa ugovaranja projekta, identificirale su se ključne promjene koje treba postići unutar projekta, a koje se tiču razvoja UPKP u FBiH, usluga za članice, saradnje sa SOG FBiH, te usaglašavanjem sa Programom reformi vodnih usluga u FBiH, a finaliziran je i nacrt planiranih projektnih aktivnosti.

IV - RAD INTERRESORNE RADNE GRUPE - IZRADA PREDNACRTA ZAKONA O VODNIM USLUGAMA U FBiH

Uz podršku MEG II tima UNDP-a i FMPVŠ, (Rješenjem broj: 07-2-21/2-306-3/23 od 18.08.2023. godine) imenovana je Interesorna radna grupa (IRG) za izradu Zakona o vodnim uslugama u FBiH, u kojoj UPKP u

FBiH aktivno učestvuje sa svoja dva predstavnika. U IRG su imenovani i pojedini direktori vodovodnih JKP koja su također članice UPKP u FBiH.

Članovi IRG su počeli sa radom u septembru/rujnu i na prvom sastanku su upoznati sa ključnim zahtjevima reforme sektora vodnih usluga u FBiH koji obuhvataju i izradu regulatornog okvira za vodne usluge, kao i procesima koji su u okviru ove reforme do sada provedeni, naročito oni koji se odnose na usvajanje i sadržaj Programa za unapređenje sektora vodnih usluga i korištenje najavljene finansijske i tehničke podrške, kao Odluke Vlade FBiH o usvajanju Metodologije utvrđivanja najniže cijene vodnih usluga, kao preporučenog dokumenta za kantone i jedinice lokalne samouprave.

Članovi IRG su upoznati sa sadržajem Završnog izvještaja o provedenoj sveobuhvatnoj procjeni uticaja propisa za sektor vodnih usluga u FBiH, koji su doveli do glavnih izazova i predlaganja odgovarajućih rješenja za unapređenje postojećih i/ili izradu novih propisa (npr. usvojiti novi zakon o vodnim uslugama ili izmijeniti postojeće kantonalne zakone o komunalnim djelatnostima i sl.).

IRG predstavljena je struktura i sadržaj Prednacrtu Zakona o vodnim uslugama u Republici Srpskoj.

IRG će se dostaviti Opće odredbe budućeg Prednacrtu Zakona o vodnim uslugama Federaciji BiH, koje su prilagođene, postojećoj regulativi u FBiH.

Predmet Zakona o vodnim uslugama u FBiH:

Ovim Zakonom uređuje se pružanje vodnih usluga, izgradnja, upravljanje i održavanje infrastrukture za pružanje vodnih usluga, način utvrđivanja cijene vodnih usluga, analiza poslovanja pružaoca usluga i druga pitanja od značaja za pružanje vodnih usluga u Federaciji Bosne i Hercegovine.

Cilj Zakona

Cilj Zakona trajnih i dugoročnih ciljeva kojim se obezbjeđuje:

- osiguranja (dostupnost) dovoljnih količina vode za piće namijenjene za ljudsku upotrebu, u skladu sa standardima i vrijednostima kvaliteta vode,
- redovno i potpuno informisanje korisnika usluga o kvalitetu vode namijenjene za ljudsku upotrebu i preduzimanje mjera za osiguranje kvaliteta vode namijenjene za ljudsku upotrebu, u skladu sa propisima o zdravstvenoj ispravnosti vode namijenjene za ljudsku upotrebu,
- zaštita od negativnih efekata ispuštanja urbanih otpadnih voda odvodnjom i adekvatnim urbanih otpadnih voda prije njihovog ispuštanja u recipijent,
- finansiranje i samoodrživost investicija u sektoru vodnih usluga u Federaciji,
- uspostavljanje uređenog, unaprijeđenog funkcionalnog i samoodrživog sistema vodnih usluga, kao i dalja integracija zaštite i održivog upravljanja vodama u Federaciji.

Aktivnosti su pri kraju i ubrzo će se dostaviti članicama da daju svoje komentare i nakon redakcije prijedlog Prednacrtu će se dostaviti FMPVŠ u dalju proceduru.

V- RAD STRUČNOG TIMA ZA IZRADU PRIJEDLOGA ZAKONSKOG RJEŠENJA UKNJIŽBE OBJEKATA KOMUNALNE INFRASTRUKTURE U POSLOVNE KNJIGE JKP U FBiH

Shodno usvojenom zaključku sa Druge tematske konferencija vodovodnih preduzeća u FBiH na temu: „*Uticaj amortizacije na finansijski rezultat i likvidnost vodovodnih preduzeća*“, o imenovanju Stručnog tima ekonomista i pravnika iz vodovodnih preduzeća sa zadatkom izrade prijedloga zakonskog rješenja uknjižbe objekata komunalne infrastrukture u poslovne knjige JKP, Upravni i Nadzorni odbor su jednoglasno usvojili ovaj zaključak.

Stručni tim je imenovan od članica UPKP u FBiH i održana su 4 radna sastanka na kojima su usvojeni određeni zaključci, odnosno podijeljeni zadaci za svakog člana Stručnog tima.

Nakon imenovanja stručnog tima dogovorena je logistička podrška MEG II tima UNDP-a i sudjelovanje njihovog stručnog osoblja u radu stručnog tima.

Na prvom radnom sastanku je dogovorena dinamika rada i doneseni zaključci:

1. Zadužuje se koordinator stručnog tima da dostavi MEG II timu osnovne informacije vezano za ovu problematiku sa navedenim zakonskim propisima koji imaju uticaja na ovu problematiku, na osnovu

kojih će pripremiti okvir za članove stručnog tima, u kojem će se unositi potrebni podaci iz tačke 2. ovih zaključaka.

2. Zadužuju se svi članovi stručnog tima da dostave svoje stavove, mišljenja, prijedloge, sugestije ili materijale koji tretiraju ovu problematiku sa kojom oni raspolažu do 20.09.2023. godine koordinatoru stručnog tima.
3. Zadužuje se koordinator stručnog tima da u saradnji sa predstavnicima MEG II tima razmotri pristigle materijale od članova stručnog tima i pripremi zbirni prijedlog za naredni sastanak stručnog tima.

U međuvremenu su objedinjeni pristigli materijali od članova stručnog tima, usaglašena sa MEG II timom agenda za naredni radni sastanak stručnog tima, te pripremljeni upitnici o trenutnom stanju u ovoj oblasti u preduzećima iz kojih dolaze članovi stručnog tima kao polazna osnova za definisanje trenutnog stanja po ovoj problematici.

Održan još jedan radni sastanak gdje se razgovaralo o sljedećim temama:

- Analiza informacija iz upitnika popunjenih od strane članova stručnog tima;
- Zakonska regulativa bitna za definiranje statusa komunalne infrastrukture;
- Mogući modeli upravljanja komunalnom infrastrukturom;
- Knjiženje komunalne infrastrukture i obračun amortizacije u JKP i JLS;
- Zaključci i dalji koraci;

Tokom sastanka doneseni su sljedeći zaključci:

- Da je navedena problematika vrlo kompleksna i prilikom razmatranja zakonskog okvira neophodno je imati u vidu pojedine odredbe dole pobrojanih zakona koje se tiču ove problematike;
- Da će članovi stručnog tima do narednog sastanka pripremiti analizu uticaja pojedinih zakonskih odredbi na zakonsko rješavanje uknjižbe objekata komunalne infrastrukture u poslovne knjige preduzeća. S obzirom na obimnost posla članovi stručnog tima zaduženi su za pojedinačnu analizu po dva ili tri od dole navedenih zakona. Ines Demirović iz UNDP-a je također preuzela obavezu da preuzme analizu uticaja određenih zakona na ovu problematiku.

Radi se o sljedećim zakonima:

- Zakon o javnim preduzećima,
- Zakon o privrednim društvima,
- Zakon o komunalnim djelatnostima, Zakon o principima lokalne samouprave,
- Zakon o stvarnim pravima,
- Zakon o koncesijama, Zakon o vodama,
- Zakon o javnim nabavkama,
- Zakon o porezu na dodatnu vrijednost,
- Zakon o porezu na dobit,
- Zakon o računovodstvu i reviziji,
- Zakon o tržištu vrijednosnih papira,
- I drugu važeću regulativu (Međunarodni standardi finansijskog izvještavanja, Međunarodni računovodstveni standardi, uredbe, pravilnici, odluke i slično).

Svi članovi stručnog tima će razmotriti i pripremiti komentare na Smjernice za uknjiženje komunalne infrastrukture koje su izrađene u sklopu Projekta MEG i koje će se razmatrati na narednom sastanku.

S obzirom na kompleksnost ove materije, aktivnosti su još u toku, planirano je da se do kraja 2023. godine eventualno u januaru 2024. godine sačini prijedlog prednacrt zakonskog rješenja, koji će se dostaviti članicama da daju svoje mišljenje i nakon redakcije Prednacrt prijedloga će se uputiti nadležnim institucijama.

VI – OSTALE AKTIVNOSTI UPKP U FBIH:

- Premijeru i Vladi FBiH kao i ostalim nadležnim institucijama u FBiH upućeni zaključci sa vanredne sjednice UO i NO i Zahtjev za hitnu primjenu člana 137. Zakona o električnoj energiji u FBiH i pokretanje inicijative za izmjene i dopune navedenog Zakona,
- Učešće u javnoj raspravi FERK-a o nacrtu Odluke o određivanju dodatnih krajnjih kupaca od posebnog društvenog značaja,
- Agenciji za javne nabavke BiH upućen zahtjev za pojašnjenje člana 10c na primjeru JKP, dobijeni odgovor dostavljen svim članicama UPKP u FBiH;
- Federalnom ministarstvu finansija upućen dopis za tumačenje primjene zakonskih odredbi kojima se reguliše uspostava i rad odjela za internu reviziju i zapošljavanje ovlaštenog internog revizora u javnim preduzećima u FBiH koja zapošljavaju manje od 100 radnika, odgovor dostavljen članicama;
- U cilju poboljšanja komunikacije sa našim članicama i pružanja informacija o radu, sve aktivnosti se redovno dostavljaju putem e-maila ili poštom;
- Kao jedna od projektnih aktivnosti, revidirana je web stranica UPKP u FBiH;
- Na web stranici su dostupne sve informacije o radu UPKP u FBiH, Upravnog i Nadzornog odbora, rad Stručnih timova, učešću na međunarodnim skupovima, konferencijama, informacije o projektima, press o održanim sjednicama, upućene inicijative, zahtjevi i sl.;
- Na posebnim linkovima dostupne su šire informacije po djelatnostima;
- Redovno se prikupljaju cijene komunalnih usluga i dostavljaju članicama;
- Kontinuirano se radi na unapređenju i jačanju kvaliteta naših usluga;
- Provode se stalne aktivnosti kako bi se zadržalo postojeće članstvo i obezbijedio priliv novih članica, te ostvario što veći stepen naplate članarine.

**UPRAVNI I NADZORNI ODBOR
UPKP U FBIH**